



Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj: 12-03-10844/25
Sarajevo, 10.04.2025.godine

U skladu sa članom 64. Zakona o državnoj službi („Službene novine Kantona Sarajevo“, br. 31/16, 45/19 i 6/25) i čl. 2. i 8. Uredbe o medijatorima državne službe u Kantonu Sarajevo („Službene novine Kantona Sarajevo“, broj 10/17) Ministarstvo kulture i sporta Kantona Sarajevo raspisuje

OGLAS ZA IZBOR MEDIJATORA DRŽAVNE SLUŽBE MINISTARSTVA KULTURE I SPORTA KANTONA SARAJEVO

I - NAZIV POZICIJE

Medijator državne službe u Ministarstvu kulture i sporta Kantona Sarajevo.

II - USLOVI ZA IMENOVANJE

Za medijatora državne službe (u daljem tekstu: Medijator) može biti izabran državni službenik:

- a) koji ima najmanje tri godine radnog staža u organima državne službe odnosno drugim organima i službama na koje se primjenjuje Zakon o državnoj službi u Kantonu Sarajevo,
- b) koji nije disciplinski kažnjavan i protiv kojeg u vrijeme izbora nije pokrenut disciplinski postupak,
- c) čija ocjena rada u prethodna dva perioda ocjenjivanja najmanje „uspješan“,
- d) koji nije državni službenik iz člana 10. stav (1) tač. a) do e) Zakona o državnoj službi Kantona Sarajevo.

III - POSLOVI MEDIJATORA

- pomaže stranama u sporu postići obostrano prihvatljivo rješenje spora,
- pomaže u provođenju i poštivanju pravilne primjene propisa,
- djeluje kao posrednik kod rukovodioca organa državne službe,
- obavlja posredovanje u rješavanju spora usmenim razgovorom sa sudionicima u sporu o čemu sačinjava zapisnik ili daje pismeno mišljenje.

IV - NAČIN IZBORA MEDIJATORA

- (1) Svi zaposlenici organa državne službe, u saradnji sa sindikatom, biraju na mjesto medijatora državne službe jednog državnog službenika.
- (2) Izbor Medijatora vrši se javnim glasanjem zaposlenika organa državne službe.
- (3) U slučaju da više državnih službenika dobije isti broj glasova, vrši se ponovno glasanje, putem glasačkih listića.
- (4) Ukoliko ni poslije glasanja provedenog u skladu sa prethodnim stavom ne bude izabran Medijator, postupak za izbor ponavlja se na osnovu ponovnog prijedloga kandidata, najkasnije u roku od 30 dana od dana neuspjelog izbora Medijatora.
- (5) Državni službenik je izabran za Medijatora ako za njegov izbor glasa većina zaposlenika u organu državne službe koji ga bira.

V - ORGANIZOVANJE I PROVOĐENJE IZBORA MEDIJATORA

- (1) U organu državne službe, državni službenici i predstavnici sindikata utvrđuju listu kandidata koji ispunjavaju kriterije za izbor, te organizuju provođenje izbora Medijatora.
- (2) O postupku utvrđivanja liste kandidata i provođenju izbora iz stava (1) ovog člana vodi se zapisnik, u kojem se obrazlaže zašto određeni kandidati nisu uvršteni na listu kandidata za izbor, broj državnih službenika koji su glasali, način na koji se glasalo, broj utvrđenih glasova za svakog kandidata i koji je kandidat izabran za Medijatora.
- (3) Izbor Medijatora može se izvršiti i u slučaju samo jednog kandidata koji ispunjava kriterije za izbor, ukoliko taj kandidat prilikom glasanja dobije većinu glasova državnih službenika koji su glasali.
- (4) Nakon završenog glasanja objavljuju se rezultati glasanja, a pismena odluka o izabranom Medijatoru, koja je konačna, dostavlja se Agenciji za državnu službu Federacije Bosne i Hercegovine radi potvrđivanja izbora Medijatora.
- (5) Nakon potvrđivanja izbora Medijatora, Odluka i potvrda Odluke dostavlja se Ministarstvu pravde.
- (6) Zapisnik i Odluku o izboru Medijatora potpisuje državni službenik koji je vodio izbore i predstavnik sindikata.
- (7) Zapisnik i Odluku rukovodilac organa državne službe za koji je izabran Medijator dostavlja Agenciji radi potvrđivanja izbora Medijatora.

VI - USLOVI ZA RAD MEDIJATORA

- (1) Medijator poslove iz tačke III obavlja u radnom vremenu, a izuzetno, ukoliko rukovodilac organa državne službe nije u mogućnosti da se posredovanje obavi u radnom vremenu, obavlja ih izvan radnog vremena.
- (2) Rukovodilac organa državne službe ne može Medijatora, zbog njegovog mišljenja ili posredovanja, staviti u nepovoljniji položaj u odnosu na druge državne službenike ili pokrenuti disciplinski postupak zbog njegovih stavova u postupku posredovanja, a u odnosu na poslove njegovog radnog mjesta uvažava dodatni angažman državnog službenika u svojstvu Medijatora.

VII - MANDAT MEDIJATORA

- (1) Mandat Medijatora traje dvije godine od dana izbora.
- (2) Medijator može biti ponovo izabran bez ograničenja.

VIII - POTREBNI DOKUMENTI

- potvrda o radnom stažu u organima državne službe odnosno drugim organima i službama na koje se primjenjuje Zakon o državnoj službi u Kantonu Sarajevo,
- izjava da državni službenik nije disciplinski kažnjavao i da u vrijeme izbora nije protiv njega pokrenut disciplinski postupak,
- kopija Rješenja o ocjeni rada u prethodna dva perioda ocjenjivanja,
- Rješenje o postavljenju.

IX - OBJAVA I ROK ZA PRIJAVU

- (1) Oglas će biti objavljen na web stranici Ministarstva kulture i sporta Kantona Sarajevo.
- (2) Rok za prijavu je sedam dana od dana objave.

MINISTAR
Kenan Magoda



Adresa: Reisa Džemaludina Čauševića 1, 71 000 Sarajevo
Tel/fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba